



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

12 A Gregorius Magnus der 70. Bapst vnnd Kirchenlehrer.

urn:nbn:de:hbz:466:1-41449

Martius

aber durch Gebett erlangete / daß er vor Päpfflicher
Confirmation starb.

Item in einem Atebatenser Flecken / die begräbnus
des H. Cameracensischen Bischoffs vnd Reichthigers
Vindiciani.

Item der H. Gorgonis vnd Firmi.

Item zu Aeuern der H. Junckfrawen Georgie / von
welcher Georgius Thuronensis schreibt.

Item in Schotland des H. Königs vnd Martirers
Constantini.

Item zu Mayland des H. Bischoffs Benedicti / der
seiner tugent vnd grosser wunderzeichen halben / im gan-
zen Welschland / fürrestlich vnd beschämpt / endlich inn
dem H. Ern ruhete.

Item zu Antisiodoro des H. Bischoffs vnd Marti-
rers Vigiliij / der regieret fast löblich seine Kirchen vnd
Schäflein 24. jar / vnd wurde darnach im Wald vn-
schuldig ymbbrachte.

A iij. Idus Martij.

Der XII. tag im Merzen.

Zum Rom ist heut der tag des heyligen hochberämp-
ften fürrestlichen Pappsts vnd Kirchenlehrers Gre-
gorij / der nicht vergeblich der groß Gregorius vnd
ein jrdischer Engel genannt worden / dieweil er zugleich
vast Edel / Reich / Tugendtsam / Weys / Heylig / Ge-
lehre / vñ der ganzen Kirchen mit seinem leben / regieren /
vnd schreiben gar nutz gewesen: Vnd ob er wol flohe / vnd
verborgen sein wolte / ist er doch wider seinen willen zum
Pappst

Bapst gemacht worden. Hat auß seines Vatters Haus vnd Gütern vil Klöster gebawet / vnd groß Almüßen geben / ist auch S. Benedicts Orden gewesen. Er pflegete alle tag die Armen zu Tisch zu beruffen / ihre Namen schriftlich zu haben / auch den abwesenden grosse Steuer vnd hülf zuhan / vnd erhöhete bey dieß tausent Jungfrauen in den Klöstern. Hat durch den H. Geist die Ordnung der Kirchen in Götlichen ämptern fleißig gezieret vnd gebessert: thet auch grosse Wunderzaichen. Hat durch die Mäñner S. T. T. S. Augustinum / Mellitum vnd Johannem den Euangelisten zu Christi Glauben bracht / darumb er der Engelender Apostel genant wirdt. Entschlieff im H. Erren zur zeit Mauritiß des Kayfers.

Anno Dñi
606.

Item auch zu Rom / die begräbnüß des H. Bapsts Innocentij des ersten / vonn wellichem am 28. Hermonats weyter.

Noch zu Rom des H. Petri / so des obgemelten Bapsts Gregoris Diacon vnd Jünger / nach seines Meisters Exempel in grosser heyligkeit sich übet.

Item zu Nicomedia das leyden des heyligen martirers Petri / so des Tyrannischen Kaisers Diocletiani Kämmerling war / vnd denselben Kaiser vmb sein grosse Tyranny / die er an den Christen über / mit worten strafte / darumb ist er auß desselben besech ersilich auffgehendet / lang mit Gerren geschlagen / mit Esich vnd Sals obergossen / auff ein Kost gebraten / vnd also mit namen vnd glauben des heyligen Apostels Petri rechter Erb gewesen.

Item auch zu Nicomedia des heyligen Priesters Egduni / vnd anderer sibden Märterer / deren einer

Anno Dñi
288.

J iij

alle

Martius

alle tag zur zeit der Diocletianischen verfolgung / zum
schrecken der andern / erwürge vnd erstücket ward.

Item zu Rom des H. Marterers Maximilian.

Anno Dñi 570. Item inn Schotland des heyligen Leonensischen
Bischoffs Pauli / der auß grossen glauben an des Meers
gestad Stain legt / vnd dem Meer gebot / das es dieselben
Stain nicht vberstige / dasselb Land vnd Erdtrich zube-
schützen vnd zuerhalten / wie darnach geschehen. Wider
seinen willen Bischoff gemacht / thet er grosse wunder-
zaichen / ward durchleuchtig in heyligkeit zur zeit Iustini
des jüngern.

Item bey Mes die erhebung des H. Marterers
Gorgonij.

Item zu Xuremund starb Dionysius Richel Car-
theuser / seliger gedächtnus / der im leben vnd schreiben zu
seiner zeit fürtrefflich gewesen.

b iij. Idus Martij.

Der XIII. tag im Merzen.

Nicomedia ist heut der Geburtstag der heyligen
marterer Macedonij / Patritie vnd Modeste /
welche vmb Christlichen Glaubens willen verbrennt
seind worden.

Item in der Statt Nicea der H. marterer Theosetet
Horris / seines Suns Theodore / Nimpodore / Marci vñ
Trabie / die auch alle das seyr verzhiet.

Item zu Thebaida die begräbnus der H. Jung-
frauen Euphrasie / vonn welcher auch oben am 11. tag
Homung.

Item in Irland des H. Reichthigers Moshomagi.
Item